

**II. ATALA****BIZKAIKO LURRALDE HISTORIKOKO TOKI ADMINISTRAZIOA****Bizkaiko Garraio Partzuergoa**

Garraio sistemari lotutako aparkalekuetan ibilgailuak aparkatzeko zerbitzua emateagatiko Prezio Publikoa arautzen duen Ordenantzaren aldaketaren behin betiko onespena.

«Garraio sistemari lotutako aparkalekuetan ibilgailuak aparkatzeko zerbitzua emateagatiko prezio publikoa arautzen duen ordenantzaren» aldaketaren hasierako onespena, 2019ko abuztuaren 7ko 149 zenbakidun Bizkaiko Aldizkari Ofizialean argitaratu ondoren, espedientea jendaurrean egon da, hogeita hamar (30) eguneko epean, eta ez da erreklamaziorik, zioen agerpenik edo iradokizunik aurkeztu.

Ondorioz, zera jakinarazten da, aipatutako hasierako onespena behin betikoa bihurtu dela. Ordenantzaren testu osoa hauxe da:

**GARRAIO SISTEMARI LOTUTAKO APARKALEKUETAN IBILGAILUAK
APARKATZEKO ZERBITZUA EMATEAGATIKO PREZIO
PUBLIKOA ARAUTZEN DUEN ORDENANTZA**

1. artikulua. — Zerga egitatea

Toki Ogasunei buruzko 9/2005 Foru Arauak aurreikusitakoarekin bat etorriz, Partzuergo honek bidaiarien Garraio Publikoko sistemarekin lotutako Aparkalekuetan bezeroei txandaka aparkatzeagatiko zerbitzua emateagatiko prezio publikoa ezarri du. Hori guztia, honako ordenantzaren bidez arautuko da, aipatu Foru Arauaren 43. eta 49. artikuluetan eta Toki Ogasunari buruzko abenduaren 28ko 39/1988 Legearen 15etik 20ra eta 41etik 45era bitarteko artikuluetan aurreikusitakoarekin bat etorriz, betiere.

2. artikulua. — Subjektu pasiboak

Ordenantza honen bidez arautzen den prezio publikoa ordaintzeko betebeharra izango dute, aurreko artikuluan aipatutako zerbitzuaren onura jasotzen dutenek, hau da, ibilgailuak aparkatzeko aparkalekuen erabiltzaileek.

3. artikulua. — Zenbatekoa eta karga-tasak*Leioako aparkalekua*

- A) Garraio Publikoa erabiltzen duten erabiltzaileentzako aparkalekuko tarifa:
 - 0,05 euro minutuko, Metro zerbitzuaren ordutegian, 0,70 euroko mugarekin.
 - 24 ordutik gorako egonaldietan, 0,05 euro minutuko.
 - Gaueko egonaldiak, Metro zerbitzurik gabe, 0,05 euro minutuko.

- B) Garraio Publikoa erabiltzen ez duten erabiltzaileentzako aparkalekuko tarifa:
 - 0,05 euro minutuko.

Aparkalekuak eta Metro zerbitzuak ordutegi berbera eskaintzen dute. Beraz, Leioako geltokia itxi aurretik atera beharko da ibilgailua bertatik; hala egin ezean, 0,05 euroko tarifa ordaindu beharko da, une horretatik aurrera, aparkalekuan ibilgailua utzitako minutu bakoitzeko.

Metro zerbitzurik ez dagoen artean egindako egonaldiak, hau da, gauekoak, jarraian egingo dira, aparkalekua itxita dagoen bitartean.

Etxebarriko aparkalekua

- A) Garraio Publikoa erabiltzen duten erabiltzaileentzako aparkalekuko tarifa:
 - 0,05 euro minutuko, Metro zerbitzuaren ordutegian, 0,70 euroko mugarekin.
 - 24 ordutik gorako egonaldietan, 0,05 euro minutuko.
 - Gaueko egonaldiak, Metro zerbitzurik gabe, 0,05 euro minutuko.



- B) Garraio Publikoa erabiltzen ez duten erabiltzaileentzako aparkalekuko tarifa:
— 0,05 euro minutuko.

Aparkalekuak eta Metro zerbitzuak ordutegi berbera eskaintzen dute. Beraz, Etxebarriko geltokia itxi aurretik atera beharko da ibilgailua bertatik; hala egin ezean, 0,05 euroko tarifa ordaindu beharko da, une horretatik aurrera, aparkalekuan ibilgailua utzitako minutu bakoitzeko.

Metro zerbitzurik ez dagoen artean egindako egonaldiak, hau da, gauekoak, jarraian egingo dira, aparkalekua itxita dagoen bitartean.

Ibarbengoako aparkalekua

- A) Garraio Publikoa erabiltzen duten erabiltzaileentzako aparkalekuko tarifa:
— 0,05 euro minutuko, Metro zerbitzuaren ordutegian, 0,70 euroko mugarekin.
— 24 ordutik gorako egonaldietan, 0,05 euro minutuko.
— Gaueko egonaldiak, Metro zerbitzurik gabe, 0,05 euro minutuko.

- B) Garraio Publikoa erabiltzen ez duten erabiltzaileentzako aparkalekuko tarifa:
— 0,05 euro minutuko.

Aparkalekuak eta Metro zerbitzuak ordutegi berbera eskaintzen dute. Beraz, Ibarbengoako geltokia itxi aurretik atera beharko da ibilgailua bertatik; hala egin ezean, 0,05 euroko tarifa ordaindu beharko da, une horretatik aurrera, aparkalekuan ibilgailua utzitako minutu bakoitzeko.

Metro zerbitzurik ez dagoen artean egindako egonaldiak, hau da, gauekoak, jarraian egingo dira, aparkalekua itxita dagoen bitartean.

BECeko aparkalekua

- Garraio Publikoa erabiltzen duten erabiltzaileentzako aparkalekuko tarifa:
— 0,05 euro minutuko, Metro zerbitzuaren ordutegian, 0,70 euroko mugarekin.

Oharrak: 24 ordutik gorako egonaldiei, Metro zerbitzurik gabeko gauekoiei eta Garraio Publikoa erabili gabe egiten direnei, Bilbao Exhibition Centre, S.A.-k finkatutako tarifak aplikatuko zaizkie, egonaldiaren hasieratik.

Aparkalekuak eta Metro Zerbitzuak ordutegi berbera eskaintzen dute. Beraz, Ansioko geltokia itxi aurretik atera beharko da ibilgailua bertatik; hala egin ezean, Bilbao Exhibition Centre, S.A.-k finkatutako tarifa ordaindu beharko da, egonaldiaren hasieratik.

Metro Zerbitzurik ez dagoen artean egindako egonaldiak, hau da, gauekoak, jarraian egingo dira, Aparkalekua itxita dagoen bitartean.

Aldirietako beste aparkaleku batzuk

Oro har, garraio publikoko aldirietako aparkalekuen sarearekin bat egiten duen edozein aldirietako aparkaleku berri ordenantza honetan araututako gainerako aparkalekuen baldintza beretan arautuko da.

4. artikulua. — Kudeaketa arauak

Ordenantza honek araututako Prezio Publikoa Ordaintzeko betebeharra, ibilgailua Aparkalekuan sartzen den unean bertan hasten da.

Prezio hori ordaintzeko, eskudirua nahiz kreditu txartelak erabili ahalko dira; garraio publikoko erabiltzaileek BGPren diru-zorro txartelak ere erabili ahal izango dituzte, euskarria edozein izanik: banda magnetikoa duen kartoizko txartela edo Barik txartela. Garraio publikoko erabiltzaileentzako tarifa aplikatzeko, aparkalekuko egonaldia ordaindu baino lehen, erabiltzaileek garraio publikoan bidaiatzeko erabilitako garraio-titulua sartu eta egiaztatatu beharko dute aparkalekuko ordainketa-makinetan.

Ez da onartuko modu mistoan egindako ordainketarik, hau da, eskudirutan-diru zorro txartelen bidez egindakorik, ez diru zorro txartelak-diru zorro txartelen bidez egindakorik; beraz, behin ordainketa eskudirutan hasiz gero, ezin izango da BGPren diru-zorro txartelak erabili.



Garraio Publikoko erabiltzaileak Aparkalekuko egonaldia ordaintzeko Garraio Publikoan erabilitako txartela izan daiteke edo beste diru-zorro bat.

BGPren diru-zorro txartelen bidez ordainketa egin ahal izateko, nahitaezkoa da aparkalekuko egonaldi osoa ordaintzeko beste kreditu izatea bertan.

Diru-zorro txartelekin ordainduz gero, txartel horri dagokion saldoa gutxituko da, baina ez du balioko tren-aldaketa moduan erabiltzeko. Beraz, tren-aldaketa egiteko aukera duten diru-zorro txartelentzat, aparkalekuko kutxazainean ordainketa burutu ostean tren-aldaketaren bat eginez gero, aurreko ordainketa bidaia gisa kontsideratu eta %20 ko deskontua lortuko da hurrengo bidaian, baldin eta garraio batetik bestera finkatuta dagoen denbora tartea gainditu ez bada.

AZKEN XEDAPENA

Bizkaiko Garraio Partzuergoaren Kontseilu Nagusiaren 2019ko uztailaren 29ko erabakiaren bitartez ordenantza honetan egindako aldaketak 2019ko urriaren 30ean sartuko dira indarrean, testu osoa Bizkaiko Aldizkari Ofizialean argitaratu ostean eta Tokiko Araubidearen Oinarriak arautzen dituen apirilaren 2ko 7/1985 Legearen 65.2. artikuluan xedatutako hamabost egun balioduneko epea igarotzen denean.

XEDAPEN INDARGABETZAILEA

Indargabetu egin dira ordenantza honen aurka doazen Garraio publikoari loturiko aparkalekuetan ibilgailuak aparkatzeko zerbitzua emateagatiko prezio publikoa arautzen duen ordenantzaren xedapenak —ordenantza 2012ko urtarrilaren 26ko Bizkaiko Aldizkari Ofizialaren 18. zenbakian argitaratu zen—, bai eta horren akatsen zuzenketakoak ere, 2012ko otsailaren 2ko Bizkaiko Aldizkari Ofizialaren 23. zenbakian argitaratu zena.

Bilbon, 2019ko irailaren 23an.—Zuzendari Nagusia, Gorka Ugalde Martínez